

PANTUN KLASIK

PERIBAHASA

MOHAMED NAIM DAUPI



www.saujana.sg

PANTUN PERIBAHASA (1)

*A*ir melurut ke tepian mandi,
Kembang berseri bunga senduduk;
Elok diturut resmi padi,
Semakin berisi semakin tunduk.



PANTUN PERIBAHASA (2)

*H*endak belayar ke Teluk Betong,
Sambil mencuba labuhkan pukot;
Bulat air kerana pembetung,
Bulat manusia kerana muafakat.



www.saujana.sg

PANTUN PERIBAHASA (3)

*A*sal kapas menjadi benang,
Dari benang dibuat kain;
Barang yang lepas jangan dikenang,
Sudah menjadi hak orang lain.



PANTUN PERIBAHASA (4)

*B*erakit-rakit ke hulu,
Berenang-renang ke tepian;
Bersakit-sakit dahulu,
Bersenang-senang kemudian.



PANTUN PERIBAHASA (5)

*Orang Daik memacu kuda,
Kuda dipacu deras sekali;
Buat baik berpada-pada,
Buat jahat jangan sekali.*



www.saujana.sg

PANTUN PERIBAHASA (6)

*D*ayung perahu tuju haluan,
Membawa rokok bersama rempah;
Kalau ilmu tidak diamalkan,
Ibarat pokok tidak berbuah.



www.saujana.sg

PANTUN PERIBAHASA (7)

*D*alam semak ada duri,
Ayam kuning buat sarang;
Orang tamak selalu rugi,
Macam anjing dengan bayang.



PANTUN PERIBAHASA (8)

*K*erat-kerat kayu di ladang,
Hendak dibuat hulu cangkul;
Berapa berat mata memandang,
Barat lagi bahu memikul.



PANTUN PERIBAHASA (9)

*Harapkan untung menggamit,
Kain di badan didedahkan;
Harapkan guruh di langit,
Air tempayan dicurahkan.*



PANTUN PERIBAHASA (10)

*K*e hulu memotong pagar,
Jangan terpotong batang durian;
Cari guru tempat belajar,
Jangan jadi sesal kemudian.



www.saujana.sg

PANTUN PERIBAHASA (11)

*A*nak ayam berlari-lari,
Takut helang datang menerkam;
Air diminum terasa duri,
Nasi dimakan terasa sekam.



PANTUN PERIBAHASA (12)

*A*da air di dalam gelas
Gelas diletak tidak beralas
Ada ubi ada batas
Ada budi pasti dibalas



www.saujana.sg

PANTUN PERIBAHASA (13)

*Ombak badai menggulung-gulung
Kelasi terdampar di tepi pantai
Hajat di hati nak peluk gunung
Apakan daya tangan tak sampai*



PANTUN PERIBAHASA (14)

*B*udak-budak bermain rakit
Rakit buluh tolong buatkan
Harap-harapkan guruh di langit
Air di tempayan dicurahkan



www.saujana.sg

PANTUN PERIBAHASA (15)

*B*urung jelatik, burung jeladan,
Terbang mari ke hujung benua;
Sama cantik, sama padan,
Bagai pinang dibelah dua.



PANTUN PERIBAHASA (16)

*B*uah langsung kuning menceleh,
Keduduk tidak berbunga lagi;
Sudah dapat gading bertuah,
Tanduk tidak berguna lagi.



PANTUN PERIBAHASA (17)

*Ayam disabung jantan dipaut,
Jika ditambat kalah laganya;
Asam di darat ikan di laut,
Dalam belanga bertemu jua.*



www.saujana.sg

PANTUN PERIBAHASA (18)

*S*ungguh dalam di tengah lautan,
Tempat bertapa sang buaya;
Sesal dahulu pendapatan,
Sesal kemudian tiada gunanya.



www.saujana.sg

PANTUN PERIBAHASA (19)

*D*ara sunti berhias di cermin,
Sedang melentik si bulu mata;
Dua mempelai di atas pelamin,
Seperti cincin dengan permata.



PANTUN PERIBAHASA (20)

*Hang Nadim Hang Setia,
Dua-dua pahlawan Melayu;
Tidak kusangka begitu dia,
Ada udang di sebalik batu.*



PANTUN PERIBAHASA (21)

*K*alau ada duit sekupang,
Boleh beli cuka mentahun;
Habis padi burung terbang,
Ulat tidak kenangkan daun.



www.saujana.sg

PANTUN PERIBAHASA (22)

*T*inggi sungguh Gunung Daik,
Mercunya nampak terang berkilau;
Kalau asal benih yang baik,
Jatuh ke laut menjadi pulau.



www.saujana.sg

PANTUN PERIBAHASA (23)

*Hujan panas turun berderai,
Guruh menyambar pohon jati;
Kasih sayang tak boleh bercerai,
Bagaiakan rambut bersimpul mati.*



PANTUN PERIBAHASA (24)

*B*urung puyuh burung taktibau,
Terbang tinggi si burung bayan;
Di dalam kilat ada kilau,
Rupanya awan mengandung hujan.



www.saujana.sg

PANTUN PERIBAHASA (25)

*B*erburu ke padang datar,
Dapat rusa berbelang kaki;
Berguru kepalang ajar,
Bagai bunga kembang tak jadi.



www.saujana.sg

PANTUN PERIBAHASA (26)

*Ayam hutan terbang ke hutan,
Turun ke tanah mencari makan;
Kerana digila burung di hutan,
Denak di rumah mati tak makan.*



www.saujana.sg

PANTUN PERIBAHASA (27)

*O*rang gagah pergi berperang,
Terlalu berani lagi perkasa;
Gajah mati meninggalkan tulang,
Manusia mati meninggalkan jasa.



PANTUN PERIBAHASA (28)

*N*anas kusangka atas permatang,
Rupanya durian tajam berduri;
Panas kusangka hingga ke petang,
Rupanya hujan di tengah hari.



www.saujana.sg

PANTUN PERIBAHASA (29)

*K*alau mandi pergi ke tebat,
Tunggu malam bulan mengambang;
Kalau berjanji tak pernah tepat,
Macam biawak lidah bercabang.



PANTUN PERIBAHASA (30)

*D*ara bersimpuh di hujung bendul,
Sambil leka bersembang-sembang;
Cakap tidak pernah betul,
Macam lidah tidak bertulang.



PANTUN PERIBAHASA (31)

*B*erbunga lebat pohon rambutan,
Hinggap tempua berjuntai kaki;
Bila dapat memandang bulan,
Jangan lupa rumput di bumi.



PANTUN PERIBAHASA (32)

*A*nak buaya makan di pantai,
Surut pasang makan ke tengah;
Dari hidup bercerminkan bangkai,
Baiklah mati bergalang tanah.



PANTUN PERIBAHASA (33)

*K*ayu bakar dibuat arang,
Arang dibakar memanaskan diri;
Jangan mudah menyalahkan orang,
Cermin muka lihat sendiri.



PANTUN PERIBAHASA (34)

*S*atu dua tiga empat,
Lima enam tujuh setengah;
Sepandai-pandai tupai melompat.
Sekali sekala jatuh ke tanah.



www.saujana.sg

PANTUN PERIBAHASA (35)

*T*umbuk padi jadikan emping,
Buat juadah teman sebaya;
Pipit hendak bertenggek ke ranting,
Sudikah enggang bertenggek sama?



PANTUN PERIBAHASA (36)

*P*ergi berkunjung rumah Mariam,
Ramai orang sedang berjaga;
Carik-carik si bulu ayam,
Lama-lama bercantum juga.



www.saujana.sg

PANTUN PERIBAHASA (37)

*L*emaknya nasi bergulai udang,
Lemak berbaur santan kelapa
Rela kumati berputih tulang ;
Tidak kumahu berputih mata



PANTUN PERIBAHASA (38)

*P*ak petani pergi ke bendang,
Tangkap keli masuk ke bakul;
Sungguh berat mata memandang,
Berat lagi bahu memikul.



www.saujana.sg

PANTUN PERIBAHASA (39)

*M*edang sila buahnya cantik,
Jatuh menimpa ke pasu bunga;
Dengan sebab nila setitik,
Habis rosak susu sebelanga



PANTUN PERIBAHASA (40)

*L*alu di depan bongkok menunduk,
Tanda hormat tidaklah takbur;
Ibarat telur di hujung tanduk,
Jika tergolek pecah bersembur.



www.saujana.sg